

# TULAGA FAATONUINA TAU FAASALALAU FILIFILIA O SE TULAGA FAATONUINA

## O LE FEA LE TULAGA FAATONUINA E FETAUI MA LA'U FA'ASEA?

O lo o folasia i le [Code of Broadcasting Standards](#) tulaga e tatau i ofisa faasalalau ona utagia i taimi e faasalalau ai a latou polokalame i le leitio, faasalalaua i le free-to-air TV po o le pay TV i Niu Sila.

A fia fai sau faaseā, e moomia ona e filifilia le tulaga faatonuina e sili ona fetui ma mataupu o e atugalua i ai – e lē iloiloina e le Pulega soo se tulaga faatonuina e lē talafeagai, ma e lē mafai ona e toe suia pe faapopopo se isi tulaga faatonuina i se taimi mulimuli ane a ua faagasolo le iloiloina o lau mataupu.

Silasila i faamalamalamaaga o ta'ua i lalo e te filifilia ai (le) tulaga faatonuina e sili ona fetui.

### MATAUPU FAATIGA MA LE FAAPOPOLE

E fesootai le tulaga faatonuina leni i:

- faasalalaua o aofia ai uiga tau feusuaiga, telenoa, sauaga po o gagana masoā, po o isi mea e ono faatiga pe faapopole ai
- le talafeagai o le faaaogāina o faavasegana, taimi faatulagaina ma fautuaga (e aofia ai lapataiga) ma faatulagana talafeagai.

### MEA E FIAFIA I AI TAMAITI

E fesootai i tamaiti o lo o matamata, ae lē o ē faatinoina se polokalame. E faasili lava i laasaga ua faia e puipuia ai tamaiti, e pei o le tau auala atu i le faaaogāina o lapataiga, faavasegana ma faatulagana (mo se faataitaiga i le taimi po o tua atu o taimi e masani ona matamata pe faalogologo ai tamaiti).

### FAALAULOA O UIGA SOLIGATULAFONO PE LE TAUPULEA

E faatatau i faasalalaua e ono uunaia ai le aumaimoa e soli le tulafono po o le faalauiloa o uiga soligatulafono pe ogaoga lava le lē taupulea (mo se faataitaiga sauaga tau feusuaiga, pule i le ola po o le soona tagofia o fualau faasāina). E aofia ai tulaga e tatau ai ona faalauiloa le tagofia tatau o le ava malosi.

### FAAILOGA TAGATA MA LE FAALUMALUMA

Na o tulaga e aliae ai le faailoga tagata/faalumaluma e patino i ni tagata, ae e lē o tagata taitoatasi. E tatau ona maualuga se fetuuai o tulaga nei e iloa ai ua solia se tulaga faatonuina. O faasalalaua e atagia ai aafiaga e faamalosi pe faamausaliina ai se talitonuga ua fua tasi i ai se toatele e ono lavelavea ai foi.

### PALENI

E aafia ai na o talafou, tala i mea o tutupu i le lalolagi i le taimi nei po o polokalame o mea moni o faatalalanoa ai se mataupu o feteenai ai manatu ma e aogā mo le silafia e tagata lautele. E tatau i ofisa faasalalau ona faia laasaga talafeagai e mafai ai ona faaali manatu eseese i mataupu tāua se'i vagana o i ai se faamoemoega talafeagai i le aumaimoa e maua manatu tāua mai isi ofisa faasalalau.

### SA'O TONU

E aafia ai na o talafou, tala i mea o tutupu i le lalolagi i le taimi nei po o polokalame o mea moni e faaaogā ai. E tatau ona sa'o tonu polokalame e tusa ai ma 'manatu i se mea moni' ma e lē tatau ona faaseseina ai tagata. E tatau i ofisa faasalalau ona faasa'o sese i totonu o se vai taimi talafeagai.

### TULAGA E LE FAALAUATELEINA

E aafia ai na o tulaga e iloa ai tagata taitoatasi o faaali i se faasalalaua po o afaina sa'o ai e faaaogā ai. O mataupu autu e aofia ai pe faamata na talafeagai tulaga na mafaufauina ai se tagata i tulaga e lē faalauateleina, pe faamata na faailoa faamatalaga patino ma e pe faamata na faailoa pe na aiaina i se faiga sili ona faatiga ai.

### TUTUSA LELEI

E faatatau i tulaga e tutusa lelei ai tagata taitoatasi po o faalapotopotoga o aofia po o ta'ua i se polokalame. O mataupu autu e aofia ai se maliega ua faia ma le malamalama atoatoa ma tuu atu avanoa e faailoa ai se manatu.